



21036

CA1-

(4)ff.

9.64-

40-

15

E₄

della Sezione
dei Contabili

ANTONII
BVCCAPADVLII
DE PONTIFICE MAX.

DECLARANDO.
AD AMPLISSIMOS S.R.E. CARDINALES
ORATIO

Habita in Basilica B. Petri VII. Id. Septemb.

ANNO MDC.



SVPERIORVM PERMISSV.

ROMAE, Ex Officina Marc'antony Muretti.

MDC.



AEPE mecum ipse cogitās miratus sum, Pa-
tres Ampliss. quid causā sit, cur, cum ceteris
in rebus, siue illā constent natura, siue huma-
na industria, atq; opera existant, cōtrariorū
contraria sint cōsequentia, non idem quoque
accidat in dicēdi facultate? Nam si vt quid-
que obscurū maxime est, ita maxime difficile explicatu est;
certe clarissimis in rebus explicatissima esse deberet oratio.
Nūc autē experimur eā hærere, non minus in rebus apertis-
simis, quā in abditissimis. Credo, quia in his argumentis de-
ficimur, in illis multitudine, & copia retardamur, ac pœne
obruimur. In hac tamē cōmuni vtriusq; de rebus dicēdi dif-
ficultate illud interest. Habet reconditarū, inuolutarumq;
rerū, quod ad earū natura fert explicatio magnā ingenij cō-
mendationē: in medio positarū patentiuq; exquisitis ratio-
nibus cōfirmatio iustā tardī, ineptiq; hominis reprehensio-
nē, quam ne is quidē posset effugere, qui vellet præclara ali-
qua de re, eademq; à cōmuni intelligētia remota, apud eos
dicere, quibus res illa esset perspecta, & cognita, perspecta,
& cognita perspectior multo quā huic ipsi, qui diceret. Hæc
mihi verenda magnopere esset reprehēssio, Patres Ampliss.
Quid enim facilius est quā videre, qualis Catholicæ Eccle-
siæ exoptādus sit Pōtifex? qui sit rerū status? quæ sint vestræ
partes in deliberādo, quid spectandū, quid laborādū vobis
maxime sit? quā sint Catholici omnes metu suspēsi, quæ sint
eorū preces, quæ vota? Quid autē difficilior, quā tantis de
rebus, pro earū dignitate differere? Quid ineptius, quā apud
vos Patres differere? qui propter excellentem doctrinā, de
rebus difficillimis, max misque verissime iudicatis, propter
singularē prudentiā, quid quaq; in re factō opus sit teneris:
propter eximiam pietatem, nullum in rebus optimis cuius-
quā cohortationē in locū relinquitis. Tardus igitur, inept-
usq; fuissēm, hoc dicēdi munere suscipiendo, nisi iustā ha-
berem excusationē necessitatis eorū voluntati obtēperādi,
quibus negare nullo modo possem. Sed videndū mihi etiā,
atq; etiā est, quid mei in parendo officij sit; ne qui recusā-
do cōtumaciæ crimen vitare non potuissēm, dicēdo in homi-

nis parū considerati reprehensionē incurram. Temperanda igitur mihi oratio est; ac tali quadam dicendi ratione vtendū; non vt hæc, quæ proposui capita persequar quo ad pos-
sim diserta, & copiosa oratione; sed vt exponam cur ea tan-
tum indicē, leuiterq; attingā, ac pene silentio prætereā. Sic
enim & illorum voluntati inseruiam, qui me huc necessita-
tis impulerunt, & non minimam mei muneris, magnam au-
tem, vt par est, loci huius amplitudinis rationem ducam.

Versatur nunc vestra cura, ac diligētia, in declarādo Pō-
tifice Maximo, hoc est, in re omniū maxima, omniq; ex par-
te, si vere volumus cogitare, tū vobis ad deliberandū, tum
ei, quem declarabitis ad sustinendū longe difficillima. So-
let autē propositæ, susceptæq; rei magnitudinis cōsideratio
animū excitare, metuq; iniicere ne quid forte cōmittatur,
omittaturue secus quā res ipsa exposcat. Cōstat porro Pō-
tificem Max. sustinere munus Christi institutione vetustissi-
mum; dignitate summū; curatione nullis orbis terrarum re-
gionibus circumscriptū; stabilitate cōtra omnes machinas
satanae cælesti præsidio munitum; diuturnitate nullis sæcu-
lorum ætatibus interiturum; potestate Deo proximum: his
autem omnibus de causis augustissimum, sanctissimum, om-
niq; honore, & veneratione prosequēdū. Nō necesse habeo
hæc, quæ paucis præstrinxi dilatarē; ipsi enim optime om-
nium nostis, qualia, quantaq; sint, quam propemodū infini-
ta. Qualē verò Pontificē à vobis Ecclesia requirat, perfacile
est dicere vniuersæ Talē requirit, quālem res ipsa exposcit,
hoc est eū, qui tanto muneri sustinēdo, gubernando, geren-
do idoneus maxime sit. Verū hæc vulgaris quædā, & adum-
brata notitia est. Vos autē Patres perfectissimas quasq; Pō-
tificis virtutes spectare certū habemus: neq; cōiectura aber-
rabimus, si inter ea, quæ vobis suggerit sanctus Dei timor,
& caritas, quæ sine dubio maxima esse oportet, existimabi-
mus talia vos etiā cū vestris animis cogitare. Eum maxime
summo hoc loco, & munere dignū esse, maximeq; idoneū,
cui Christi grex cōmittatur, qui cū doctrina, prudentia, pie-
tate excellat, virtutē illam in primis colat, quā summi, san-
ctissimiq; viri cæterarū virtutum fundamentū, matrem, ma-

B. Chrysost.
in Matt. ho.
15. to. 2.

B. Bernard.
to. 1. in nat.
dom.

B. Greg. lib.
23. mor. c. 7.

B. Leo. serm.
7. in Epiph.

B. Greg. lib.
4. epist. c. 80.

gistrā, custodem appellant, humilitatē dico, quā vna statuūt
perfectam totius Christianæ sapientiæ normā cōtineri. Qui
in hac ipsa virtute erecto, celsoq; animo sit, vt magnā loci,
munerisq; sui primū ipse rationē habeat, tū à cæteris haberi
velit, sic vt, quod ait B. Gregorius, neq; sit humilitas timi-
da, neq; erectio superba. Qui cogitet quā non modo nō ap-
petendus sit Pontificatus; sed omni etiā conatu fugiendus:
cū intelligat quāta res sit in maximis fluctibus, ac procellis
gubernare, neq; se tēpestatibus abripi sinere, sed cōtra niti,
ac velis remisq; contendere, cursumq; recta ad portū tene-
re: quā verendū sibi illud sit, quod interdum quærebatur Pō-
tifex Innocentius. Veni in altitudinē maris, & tēpestas de-
mersit me. quā difficile sit in tanta rerū procuratione, tanta
præditū potestate, tā multa necessario alijs mandantē, alijs
tribuentē, alijs negantē, omnia Dei voluntatis gloriæq; ad-
hibita ratione administrare, eo cuncta dirigere; id vnū spe-
ctare, nunquā inde oculos deijcere: quanto perē infinita illa
curatione, Ecclesiarumq; omnium sollicitudine distrahatur
animus ab illa voluptate, qua interdū fruitur, dū omnibus
curis solutus cœlestes, diuinasq; res cōtemplatur: quā opta-
bilior sit vita priuata, quā hęc tam multis molestijs referta:
quā fallantur qui in Pōtificatu quietem, & tranquillitatem
quærunt; cū oporteat Pontificē vnū pro omnibus vigilare,
& laborare. Qui itē cogitet quāta sibi sit Christi pauperum
cura suscipienda. Hęc est enim vera gloria, nō imperitæ mul-
titudinis sermonibus, sed perpetuis, vt sapiēs ille ait Eccle-
siæ sanctorū laudibus celebrata, atq; in Deo fixa, stabilita
sunt, inquit, bona illius in Domino, & eleemosynas illius
enarrabit omnis Ecclesia sanctorū. Qui igitur statuatur, Chri-
sti pauperes cōplectendos sibi esse, tū misericordia, tū beni-
gnitate, quod fecisse olim Grégorium illū magnū legimus,
proximeq; alterū facientē vidimus; O nostrū Gregoriū egē-
tiū patrē, vtinā tui simili perfruamur. Qui deniq; præclaras
quasdam alias, magni illius virtutes, quas hic noster etiā co-
luit, imitetur; quas vt ille multas vno facto, sic ego breuissi-
ma narratione cōprehendā: Miserrat ei nescio quid muneris
Messana eius ciuitatis Episcopus, scripseratque vt conijci
potest,

Innocen. 3.
epist. 178. ad
Abba. & cō-
uen. Cister-
cien.
Psal. 68.

B. Greg. lib.
5. epist. 5.

B. Greg. epi-
sto. lib. 6. ca.
169.

Eccle. 3. 11.

B. Greg. ep.
lib. 1. c. 64.

potest, sed id mittere Romano Pontifici vetere Ecclesiæ suæ consuetudine. Noluit Gregorius, vt erat vir pari humanitate ac sanctitate præditus reijcere, ne quid forte Episcopus molestiæ caperet, quasi parū gratū Pontifici munus misisset. Quid ergo? accepit ille, nec multo post vendidit, prætiūq; remisit cū epistola in hanc sententiā. Si eas consuetudines quæ essent Ecclesijs ad ferendū graues, quantū quidem ad suas rationes attineret, remittere. Si quid clericis tribui mos esset, eum morē manere velle; sibi munera ab eo mitti, qui se expectare deberet, æquū non esse. Ne quid amplius mitteret prohibere. Sic ille, vōs suo quāq; rem momento ponderate. Hæc de Pontificis virtutibus à me breuiter collecta, aliaq; permulta in hoc genere à sanctis Patribus fuisse, diserteq; tractata, sæpe vōs ex ipsis fontibus hausisse, magnaq; cū voluptate nunc degustasse certū habeo Patres amplissimi, quāobrem illa animi vestri causa magis, quā quod esse necesse arbitrarer, attingenda existimaui. Dicerē nunc vniuerse de Catholicę Ecclesię statu, nisi omnes videremus, tam multis catholicis olim prouincijs, partim impiorum vi, atq; armis oppressis, partim sponte sua, o summā miseriam, sponte sua, dum audiunt voces alienorū, quas non secus, ac certissimas pestes vitare debuissent, deserta Ecclesia perditis quanta iactura sit facta. quantopere de his omnibus recuperandis, reuocandis, sanandis, deq; Christi nomine, & gloria quā latissime propagāda laborandū sit: qui motus nuper sint excitati, quā ferueāt, quā graui in periculo, quā præsentires sint, quā multa sint, cū in cæteris Ecclesiæ locis, tum in hac ipsa vrbe, cōstituenda, corrigenda, tollenda quantū ad hæc omnia præsidij situm sit in vnius Pontificis sapiētia, & sanctitate tantū nimirū, vt hoc vno præsidio sublato, spes melius aliquando fore iā reliqua nulla sit. Hinc facile apparet, quod tertio dicendi loco positū erat, quæ sint vestræ par testā graui in re, tam necessaria, tam diuina. quantopere de beatis hoc vnum dies, noctesq; agere, huc cogitationem industriamq; omnē conferre, hoc omnibus prudentiæ, diligentiaq; vestrā neruīs contendere, vt optimū Ecclesiæ Pontificem detis. Impudentissimus sim si vōs cōmonendos, aut eo-

hortan-

hortandos censeam, quos certū habemus nihil aliud velle,
& conari. Sed non dissimulabo, quid maxime pertimesca-
mus. Facit enim vestra singularis humanitas, in meq; atten-
te audiendo benignitas, vt audeā paulo liberius exponere,
quid cū in omni de republica deliberatione, tū in hac maxi-
me, omni studio sit cauendū, est enim, quod cauendū cēseo,
rectis consilijs maxime aduersariū. Quid ergo illud est? Ne
quis forte in deliberando adhibeat in consiliū suarū ratio-
num cogitationē. Nihil enim potest fieri peruersius, nihil de-
terius quā cum de rebus publicis deliberatur priuatæ utili-
tatis calculis subductis, nihil veri, falsiq; iudicium contur-
bat magis, Vt, etiam si quis maxime cupiat recte iudicare,
tamē hac tabe correptus, putet rectū id esse, quod est re sua
esse intelligat, quod certe ea liber nunquā putaret. Oportet
in republica gubernanda, priuatas cuiusq; rationes e cōmu-
nibus pendere, non e priuatis cōmunes. Hoc vero peruerso
ordine, scitis quid interdū acciderit æquitissimo Dei iudi-
cio, vt in quo quisq; maxime rerum suarū spem locatā ha-
buisset, cū ea adductus spe, se se ad illius partes adiunxisset
atq; omni cōtentione pugnasset, & peruicisset eo iam ad gu-
bernacula admoto, omni illa de spe decideret, sentiretq; se
neq; publicis, vt oportuit, neq; suis, quod minime debuit,
priuatis rationibus cōsuluisse. Hoc vnū modo absit, reliquā
ex sententia cōsequantur. Aberit autem. Vos enim in tanto
rerū, ac temporum motu, & cōuersione, in tanta Ecclesia-
stica disciplinæ omnibus in locis perturbatione, ac pene in-
teritu, in tanta morum vbiq; deprauatione, vestra præstanti
pietate dignā, atq; hoc rerum statu per necessariam cogita-
tionē suscipietis. Ardet bello Gallia, hoc est optima Chri-
stianæ reipublicæ pars. Obsidetur à Duce Sabaudia Catho-
licæ religionis propugnatore, atq; assertore inuictō Gene-
ua, hoc est teterrima omnis impietatis sentina. Facta est aliē-
nis vectigalis, multis ante calamitatibus afflicta prouincia
Auenionensis vetus sedis Apostolicæ patrimonium. Cæte-
ras Christianæ reipublicæ necessitates, malaq. omnia nomi-
natim persequi, & exaggerare infinitum esset, minimeq; ne-
cessarium, vos enim ea cogitatione perspicitis, tacitoq; sen-

su com-

fu cōmouemini. His necessitatibus auxilium ferendum, his
 vulneribus, his malis, tā multis, tam grauibus, tam exulce-
 ratis medicina à Pontifice est adhibenda. Vestræ igitur nūc
 fidei, sapientiæ, potestati, in declarando Pōtifice cōmissum
 est quidquid potest dignitatis, salutisq; expectari. Vos Pa-
 tres contendetis, vt Ecclesiæ rebus prospiciatis, nos expe-
 ctatione suspensi erimus, vtrique autē necessario metu an-
 xij. Etenim maximarum rerum deliberatio, maximas curas
 metusq; afferat necesse est tum iis, quorum consilio, & pru-
 dentia decernuntur; cum cæteris omnibus, ad quos ea res
 pertinere possunt. Quid ergo nos potissimum angimur? Co-
 gimur eadem illa iterare, vos timori nostro ignoscite. Hoc
 vnum inquā pertimescimus, ne quid satan perpetuus Chri-
 sti, Ecclesiæq; hostis turbet: ne ve obstat quominus eum Pō-
 tificē habeamus, quo magnopere indigemus. Id vero effice-
 ret, si posset vllum apud aliquē vestrum, locum inuenire pri-
 uatis rationibus consulendi. Scit enim hostis tēterrimus ini-
 micum hoc Deo consilium esse, à carnis nimirum, quæ Deo
 inimica est prudētia profectum, efficereque vt frustra, illius
 opem, quod nunc fecimus imploremus. Quid enim in sacro
 sancto, quod nunc per actū est mysterio precati sumus? Vo-
 bis autem Patres in ista tam graui deliberatione precaba-
 mur. Veni sancte Spiritus, reple tuorum corda fidelium, &
 tui amoris, in eis ignē accēde. Videtis certe aliud esse amo-
 ris tui, aliud cuiusque sui, Res autem suas priuatas labora-
 re, eoq; cōsilia referre, est hominis seipsum diligentis. Deus
 caritas est, requirit igitur in nobis eam in primis virtutem,
 qua nos ei proxime ad similitudinem accedimus, nostram,
 scilicet, caritatem. Caritas autem, non æmulatur, nō est am-
 bitiosa, non querit, quæ sua sunt. Immo vero, quod Aposto-
 lus non suadebat modo, sed etiam faciebat, req; ipsa com-
 probabat antepōnit suis aliena, modo inde crescat Dei glo-
 ria. Quanquam, quæ potest esse ista, in constituendo Eccle-
 siæ bono suarum rerum ab alienis distinctio? Quo de re to-
 tius Ecclesiæ est, idem quoque è re cuiusque maxime est.
 Cæteris in rebus liceat ista secernere, in declarando pasto-
 re, & principe nihil potest esse vtilius singulis, quam quod
 vtile

Rom. 8.

1. Ioan. 4.
 B. Chrysost.
 in comm. S.
 Paul. to. 3.
 1. Cor. 13.
 Philipp. 1.
 B. Ambr. in
 eum locum.

2. Cor. 3.

Ose. 13.

utile est vniuersis. Conabitur satan contraria omnia suade-
re. Sed speramus fore, vt quo quisque sentiet magis tales si-
bi cogitationes à callidissimo hoste immitti, alijs scilicet ra-
tionibus cōtineri priuatas vtilitates, alijs publicas, quo gra-
uius apertiusq; se his cogitationibus peti intelliget, eo ipse
se colligat magis, eoq; acrius in Christi causam incūbat, di-
uinamq; opē, (quid enim ab ea deserti possumus recte, aut
agere, aut cogitare?) imploret. Implorabimns nos quoque
tum quotidianis supplicationibus, tum priuatis etiā preci-
bus huius sanctæ Basilicę sacerdotes, ceterique omnes, qui
astant, quæ prope, qui longe absunt, omnium ordinum pie-
tate, & sanctitate præstātes viri, per hos omnes dies, quibus
vos collecti, inclusi; hac vna in re occupati eritis, vestrāq;
virtutē nostris vocibus prosequemur. Aderit vestris conati-
bus, piorumq; omnium precibus Christus, qui si forte erit
nobis iratus, (agnoscimus enim omnes nostra crimina, vere-
murq; illud Prophetæ, Dabo tibi regē in furore meo, & au-
feram in indignatione mea, dat enim iratus Deus malū prin-
cipem, iratus item aufert bonum,) si forte igitur erit nobis
iratus Christus Dominus, & Deus noster, aderit Maria, ma-
ter, & virgo sanctissima, quæ eū cōspexit Ecclesiæ suæ, cuius
causa nunc maxime agitur amore comprehensum, cæsum,
dilaniatum, cruci clauis affixum, extinctum, nec sic etiā fa-
tiata inimicorum crudelitate, transuerberatum, quem e cru-
ce depositum cōplexa, in sinu, gremioq; (quod illa, quā cer-
nimus excellentis artificis imago nos admonet) collegit, cu-
ius vulnera demirata, deosculata que lacrymis compleuit,
abluit. Hæc filium orabit, obsecrabitq; per eos omnes quos
ille pertulit cruciatus, perq; eum doloris sensum, quem non
minorem ipsa animo, quam ille toto corpore accepit, vt ve-
stris mentibus lumen præferat, ostendatq; quem potissimū
eligere debeatis. Impetrabit à tali filio, talis Mater, nosque
vestro studio, summoque illius beneficio optimo Pontifice
fruemur, immortalesque eius bonitati gratias agemus.

F. I. N. I. S.





